



● DATUK HAJI
MUSTAFA JABAR

Isu pindaan Perlembagaan: Ahli Umno diseru berdoa capai penyelesaian

KUALA LUMPUR, Sabtu
Setiausaha Agung
Umno, Datuk Haji
Mustafa Jabar, menyeru
ahli-ahli Umno seluruh
negara berdoa supaya
majlis mengadap wakil-
wakil Majlis Tertinggi
Umno dengan Raja-Raja
di Istana Kayangan,
Shah Alam, 20 November
ini akan mencapai kata
sepakat dan dapat

menyelesaikan isu pin-
daan Perlembagaan.

Rombongan mengadap
lima orang itu diketuai
oleh Naib Presiden
Umno, Encik Ghafar
Baba. Ahli-ahli lain ialah
Datuk Harun Haji Idris,
Datuk Seri Kamaruddin
Mohd. Isa, Puan Marina
Yusof dan beliau sendiri.

Beliau mengucap teri-
ma kasih kepada Raja-

Raja kerana memperke-
nankan rombongan parti
mengadap Baginda un-
tuk menerangkan kedu-
dukan sebenarnya pin-
daan Perlembagaan di
bawah fasal 66 (5) dan fa-
sal 150.

Pindaan 66 (5) menyeb-
ut bahawa setiap un-
dang-undang yang telah
diluluskan oleh Dewan
Rakyat dan Dewan Negara
disahkan menjadi un-
dang-undang selepas 15
hari diluluskan, sama-
ada disah atau tidak oleh
Seri Paduka Baginda
Yang di-Pertuan Agong.

Darurat

Pindaan 150 memberi
kuasa kepada Perdana
Menteri menasihatkan
Seri Paduka Baginda
Yang di-Pertuan Agong
untuk mengisytiharkan
darurat dan Seri Paduka
hendaklah memperke-
nankannya.

Datuk Mustafa berpen-
dapat, majlis mengadap
itu secara tidak langsung
akan dapat mengendur-
kan ketegangan dan satu
formula akan dapat dicapai
untuk mengatasi ma-
salah itu.

Sebelum menerima
mengadap MT Umno itu,
Raja-Raja Melayu akan
mengadakan mesyuarat
khas mereka untuk membincangkan isu itu.

Seri Paduka Baginda
Yang di-Pertuan Agong
dijangka berangkat
menghadiri mesyuarat
itu. Yang lain mungkin
termasuk Ketua Hakim
Negara yang juga Raja
Muda Perak, Raja Tun
Azlan Shah.

Bahan asal dari Arkib
Negara Malaysia